



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-1-40-035-2/25**

Datum: **03.03.2025. godine**

«Agencija za vodno područje rijeke Save» Sarajevo rješavajući po zahtjevu Banjić (Sezahija) Elvira iz Kaknja za donošenje rješenja o prethodnoj vodnoj saglasnosti za aktivnost koja može privremeno ili trajno degradirati kvalitet vode ili ometati poboljšanje njihovog postojećeg kvaliteta u postupku rada objekta štale za uzgoj jednog grla krupne stoke u naselju Ivnic a MZ Tršće, općina Kakanj a u postupku izdavanja urbanističke saglasnosti, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

1. Odbija se zahtjev Banjić (Sezahija) Elvira za donošenje rješenja o prethodnoj vodnoj saglasnosti za aktivnost koja može privremeno ili trajno degradirati kvalitet vode ili ometati poboljšanje njihovog postojećeg kvaliteta u postupku rada objekta štale za uzgoj jednog grla krupne stoke (krava) lociran u naselju Ivnic a MZ Tršće na zemljištu označenom kao k.č. broj: 2035/1 K.O. Tršće, općina Kakanj a u postupku izdavanja urbanističke saglasnosti, s obzirom da za predmetnu aktivnost, a u skladu s odredbama člana 109. stav (2) tačka 1. Zakona o vodama, nije propisana obaveza pribavljanja vodnih akata.
2. Ovo rješenje ne oslobađa podnosioca zahtjeva obaveze izgradnje prostora za privremeni smještaj đubriva prije aplikacije na poljoprivredne površine što kao poseban segment treba biti obrađeno u projektnoj dokumentaciji, urađenoj na nivou glavnog projekta, potrebnoj u postupku ishodovanja Rješenja o odobrenju za građenje predmetnog gospodarskog objekta. Objekti za prikupljanje tečnog i krutog otpada moraju biti dimenzionirani tako da obezbijede zrenje istog prije konačne dispozicije đubriva na poljoprivredne površine kao i da se spriječi nekontrolisano rasipanje tečnog i krutog otpada po okolnom zemljištu. Za jedno uvjetno grlo, zapremina vodonepropusnog armirano-betonskog spremnika za kruti stajnjak mora iznositi najmanje 8m³ a za tečni stajnjak, ukoliko isti nastaje, 2m³.
3. Ovo Rješenje ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.

Obrazloženje

Banjić (Sezahija) Elvir iz Kaknja, dana 20.01.2025. godine, podnio je ovoj Agenciji zahtjev za izdavanje prethodne vodne saglasnosti za aktivnost koja može privremeno ili trajno degradirati kvalitet vode ili ometati poboljšanje njihovog postojećeg kvaliteta u postupku rada objekta štale za uzgoj jednog grla krupne stoke lociran u naselju Ivnic a MZ Tršće na zemljištu označenom kao k.č. broj: 2035/1 K.O. Tršće, općina Kakanj a u postupku izdavanja urbanističke saglasnosti.

U provedenom postupku dostavljena je i pregledana sljedeća dokumentacija:

- Kopija katastarskog plana UR broj: 06/2-26-17566/2024-2 izdatog dana 12.12.2024. godine od strane Službe za imovinsko pravne, geodetske poslove i katastar nekretnina Općina Kakanj,
- Kopija Posjedovnog lista broj 720 izdatog dana 22.12.2023. godine od strane Službe za imovinsko pravne, geodetske poslove i katastar nekretnina Općina Kakanj,
- Kopija Zaključka broj: 04/1-19-4888-1/24 o dopuni dokumentacije u postupku izdavanja urbanističke saglasnosti za sagrađeni gospodarski objekat – štala za krupnu stoku te dovršenje preostalih radova na istom u naselju Ivnic a MZ Tršće na zemljištu označenom kao k.č. broj: 2035/1 K.O. Tršće, općina Kakanj donesenog dana 23.12.2024. godine od strane Službe za privredu, urbanizam i zaštitu okoline, Općina Kakanj,
- Idejni projekat pomoćnog gospodarskog objekta Investitora Banjić Elvira iz Kaknja urađen od strane «AXIS studio» d.o.o. Kakanj (šifra: AS-IPO-01/12/24, decembar 2024. godine) – na uvid.

Na osnovu dostavljene dokumentacije utvrđeno je sljedeće:

- Predmetni gospodarski objekat - štala za uzgoj krupne stoke vlasnika Baljić Elvira lociran je u naselju Ivnic a MZ Tršće na zemljištu označenom kao k.č. broj: 2035/1 K.O. Tršće, općina Kakanj.

Objekat je djelimično izgrađen i u toku je ishodovanje urbanističke saglasnosti za sagrađeni objekat te dovršenje preostalih radova na istom.

- Parcela na kojoj je lociran predmetni objekat se ne nalazi u vodnom dobru, poplavnom području vodotoka I kategorije, niti u području zaštitnih zona površinskih i podzemnih voda.
- Planirani objekat spratnosti P+1 lociran je neposredno uz stambeni objekat vlasnika Baljić Elvira. U prizemlju objekta planiran je prostor za garažu, štalu i drvarnicu dok je prostor na spratu predviđen za skladištenje stočne hrane odnosno sijena.
- Oborinske vode sa krova objekta će se prikupljati sistemom oluka i slobodno slijevati na okolni teren.
- Prostorija za uzgoj krupne stoke površine oko 28,6 m² namijenjena je za uzgoj jednog grla krupne stoke (krava) za vlastite potrebe. Prikupljeno đubrivo će se odvoziti na poljoprivredne površine u vlasništvu podnosioca zahtjeva.
- Na lokaciji predmetnog gospodarskog objekta, namijenjenog uzgoju jednog grla krupne stoke, neće se odvijati aktivnosti koje kao rezultat mogu privremeno ili trajno degradirati kvalitet vode ili ometati poboljšanje njihovog postojećeg kvaliteta.

Iz naprijed navedenih razloga, a u skladu s članom 109. stav (2) tačka 1. Zakona o vodama i članom 200. stav (1) Zakona o upravnom postupku, riješeno je kao u dispozitivu ovoga Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- Banjić (Sizahija) Elvir
Ivnica br 43, 72240 Kakanj
- Ⓞ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava